

¡AINGERU MAITIA!

Kristau Jaungoikozkoak
bagera munduan,
egon nai gendukenak
beraren onduan;
gu bañan geiago bat
leno bagenduan
¡Madalena Larralde
dagona zeruan!

Chikitandikan au zan
elizara asi
beñere elizarik
etzizayon antzi;
beti erregututzen
munduan zan bizi
orrelašen zerua
zuen irabazi.

Madaleni egiña
ezdaukat antziya
¡nola kendu ziyoten
tristiari biziya!
etsaiyai esanaz
barrendik egiya,
¡bat orrela illtzia
da penagarriya!

Gerratia zelarik
bere erritikan,
Frantzitik Españira
gañua etorri zan;
konfesatziagatik
Bera-ko elizan;
onen bokaziyua
ortarako izan.

Ispitzat Madalenchu
preso arturikan,
eta agintariyak
gogor ekiñikan;
berak nai zutenikan
eziñ egiñikan
¡gillotinan illtzuten
orrenchen gantikan!

Nola berez zenduen
Kristau fedetsua
eta beti goguan
zeukan Jaungoikua,
¡ill zuten ordurako
Madalen gañua,
aingeruak zabaldu
ziyoten zerua!

KAYETANO SANCHEZ IRURE.